

Mandement du Roy,
POVR LA PAIX D'EN-
TRÉ SA MAIESTE', LE
Roy d'Espagne, & le
Duc de Sauoye.

*Publié en la ville de Paris le douZiesme
iour de Iuin 1598.*



A PARIS,
Par Mamert Patisson Imprimeur
ordinaire du Roy.

M. D. XCVIII.

Avec privilege de sa Maiefté.

Case

F

39

326

1598 fm

THE NEWBERRY
LIBRARY



De par le Roy.



N fait à sçauoir à
tous, Que bon-
ne, ferme, sta-
ble, & perpetu-
elle Paix, amitié
& reconciliati-
on est faicte & accordee en-
tre tres-hault, tres-excellent &
tres-puissant prince, HENRY
par la grace de Dieu Roy tres-
Chrestien de France & de
Nauarre, nostre souuerain sei-
gneur: Et tres-hault, tres-ex-

A ij


cellent & tres-puissant prince,
PHILIPPE Roy Catholique
des Espagnes : Et tres-excel-
lent prince CHARLES Ema-
nuel Duc de Sauoye, leurs vaf-
faux, subieçts & feruiteurs, en
tous leurs Royaumes, païs, ter-
res & seigneuries de leurs obe-
iffances . Et est ladicte Paix ge-
nerale & communicatiue en-
tre eux & leursdicts subieçts,
pour aller, venir, feiourner, re-
tourner, commercer, marchan-
der, communiquer & negotier
les vns avec les autres, és pays
les vns des autres, librement,
franchement, & feurement par
mer, par terre & eaux douces,
tant deçà que delà les Monts:

5
& tout ainsi qu'il est accoustu-
mé de faire en temps de bonne,
sincere, & amiable Paix, telle
qu'il a pleu à Dieu par sa bonté
enuoyer & donner ausdits sei-
gneurs Princes, & leurs peu-
ples & subiects. Defendant &
prohibant tref-expressément à
tous de quelque estat & condi-
tion qu'ils soyent, d'entrepre-
ndre, attenter ne innouer aucune
chose au contraire : sur peine
d'estre punis cōme infracteurs
de Paix, & perturbateurs du biē
& repos public. Faict à S. Ger-
main en Laye, le 10. iour de Iuin
1598.

Signé

H E N R Y.

Et plus bas D E - N E V F V I L L E.



LEV, publié à la Table de Marbre & Cour du Palais par Nicolas Drouart Greffier de la Preuosté & Vicoté de Paris, és presences de François Miron Cōseiller du Roy en ses Conseils d'Estat & priué, President au grand Conseil, & Lieutenā Ciuil de ladite Preuosté & Vicoté de Paris: Pierre Lugoly aussi Conseiller du Roy & Lieutenant Criminel: Anthoine Ferrand Lieutenant particulier: François de Villemontee Procureur du Roy audit Chastelet: quatre Conseillers dudit Seigneur: les Audienciers, Commissaires & Examineurs dudit Chastelet: Et par les carrefours de ladite ville par le Herault au tiltre d'Angoulesme, en presence des dessus-dits, assistez de Martin l'Anglois Preuost des Marchans, les Escheuins & Procureur de ladite ville, avec les Archers du

Guet, Sergens dudit Chastelet, Archers
& Arbalestriers de ladite ville, ce Ven-
dredy 12. Iuin 1598.

Signé,

DROVART.



Handwritten text, likely bleed-through from the reverse side of the page. The text is faint and mostly illegible due to fading and the texture of the paper.

Handwritten text, likely bleed-through from the reverse side of the page. The text is faint and mostly illegible due to fading and the texture of the paper.

Handwritten text, likely bleed-through from the reverse side of the page. The text is faint and mostly illegible due to fading and the texture of the paper.

